

四部叢刊續編集部

茗齋集二十三卷
附明詩鈔九卷
二

苦齋詩古樂府

淮南彭孫貽昇仁氏著



第壹卷

鳳鳥畏叢棘麟不伍
驅逐顏帶且傾奪
何況儀軫傳結髮矢膠漆
白首戈與矛夙昔金石交
今日咸見尤誰能長屋戶
同類慕相求寧與勢位殊
顏同貧賤憂肝胆自胡越
秉信終山丘相逢莫相疑
擊筑彈箏索

將進酒

將進酒主人為客千萬壽
當時門客去復來惟有金樽不相負
枯草何榮月更弦白髮安能重少年
身乘高車印垂肘何似糟

立終日眠身外浮名豈足問黃土累、無聖賢脫衣沽酒須盡
醉青春奈何老將至樽中滿酌勸衆賓眼前誰是百歲人諛言
盈耳公莫聽眼藥自誤求仙真今日花開明日花落相逢幾何
目樂相樂青絲玉缸垂轆轤看君意氣誠酒徒真通姓名但
痛飲一飲五石如鵲鳩勸君努力消百憂楚人獨醒非良圖

羅噴曲

妾家住江口夫婿去經年江流日下只送去人船

捉搦歌四首

梨中憤轅已生憤麻指煮飯反為粥翁姥抱孫猶反目老女出
嫁陽預哭

糞壤種花妍
醜織成單絃
不掩肘婢猶無
堵弟納婦機絃
低頭怨阿母

殺毛為壇
未堪卧阿漣
無禪連夜作
二八女兒當
窻坐可憐
照井成一箇

雞飛上樹狸
入臼後園竹
禿為敝帚有
女不嫁空多
口不怨阿母
但怨舅

折楊柳歌辭五首

並馬橫金鞭
意氣各自有
相逢不相留
投鞭折楊柳
班駝戲赤岸
羌笛手中吹
可憐道上柳
送盡路旁兒
羌兒娶漢女
不作漢兒歌
漢兒學胡語
胡昇其奈何

大澤羊千蹄種鹽五畝石禿駒不服早無錢底作客
摩娑五尺刀上有龍雀環持環問消息作客何須還

折楊柳枝歌四首

折柳特作鞭驅迴紫騮馬不須留君馬君自為奴下
柳枝易隨風無風亦自哀女兒十五六易入人懷抱
纖纖作襜褕短線至髀錢刀人有之勸郎行仁義
高田種枯禾不如菌生耳嫁婿不憐不如寡女子

隔谷歌

蘇蘇刺肌鉄貫足髡鉗作奴死莫哭兄多錢刀娉阻贖人邪鬼
乎只隔谷

身為俘虜手軍足跛衣有薪食無火兄不救我孰救我急張逢
緩寄索我林栢下

企喻歌

重鎧雙陸年雄兒賭身命刀前拜弟兄一心不一姓
野火燒着天野鴨自塗泥十旬九不飯射得了角麋
長弓鹿角張羽箭大于檐瓦作殘骸不為野狸噉
男兒刀瘢滿老父莫相憐我有翁老時翁無我少年

紫騮馬歌四首

驕

道逢渭南令驕嘶不肯下不識馬上兒但識紫騮馬
驪駒東門去白日黃塵生對面不相識但聞馬蹄聲

野火出枯桑野樵自生童
童男白髮少年那得老
草枯還復綠雨落不上天
生小離鄉里空自作人憐

紫騮馬歌

羖羊未生乳單雄不成雙
誰能着錦袴獨處可與無郎

黃淡思歌三首

山桑黃淡思野繭青碧絳
郎無歡容願知有遠行色
五更踏朝霜歡畏見行跡
傍人相知聞已不自今日
兩面素綆不成好容姿作氣
更問歡今定憐誰

東平劉生歌二首

走馬東平但問劉生敗垣
偏仄車馬縱橫

袖中懷短書劉生向未識馬上舉鞭問客有不平色

高陽樂人歌

高樓大道北酒作桃花顏但飲無所苦脫取黃金鞭
可憐白鼻駒銀鞍照雪色爛醉渡河歸障泥惜不得

雀勞利歌

前飛老鴟後搏鵂鶩竊脂得肉腐鼠棄乳虎耽飽人駭焉知
毒機阮與嵇班毛錦碎光入地咏不如雀勞利

地驅樂歌四首

月明高天高以霜鬱鬱貴為郎不須千羊

黃羊生氍毹壯士無妻隣有老妾嫁為誰

石人作火相伴兀坐郎心有他我自憐我
板屋不扉十裡九難雖有旁人但能見疑

淳于王歌二首

十千買雀釵明鑑百萬繒雖有擢首姿不能得郎心
空屋中蟬蛛絲長得幾總女郎無好客見歡生百媚

慕容自魯企由谷歌

高樓十二重交牕三十六風吹不教開那見顏如玉

鉅鹿公主歌四首

快馬犢車不及鷄子裂封萬戶願只尚主
畫鼓殿簫管以暗誰謂倡樂不如南音

陽翟教歌邯鄲且舞黃金百萬棄為糞土
黃姑提壺天姥勸酒帝子得婿自是帝萬壽

瑯琊王歌八首

千金買駿馬百金買鞍口不是賤黃金健兒擢身手
陽春二三月花與人同色不惜洗鉛華要分花氣息
季冬陰雨雪馬毛縮復僵銀床不撥火嚼凍乞寒漿
買得并州刀月虧刀不缺摩娑久無仇剗開一百月
赤棒交前驅駿馬如龍長生女願作妃得嫁瑯琊王
瑯琊大道王昨土稱西帝布衣俠遊兒與王作昆弟
草生磐石上根株那得長客行久不歸那得識故鄉

十年種檟柳高，欲刺天男兒。賤里巷意氣不須錢。

隴頭流水歌三首

隴頭流水東西北，流壯士離鄉何用百憂。
狐狸北嘯，悲在野水何賤。終朝東下，
朝登隴首暮宿隴坂。晝短道長夜不能飯。

幽州馬行客歌四首

陌頭採桑婦，後車載入宮道傍。見舊壻，殊無可恨容。
風吹濤，茫河鯉魚飛上天。小馬已生駒，女無出嫁年。
阿母二八時，已不戀翁姥。昨歲既抱孫，今年忘嫁女。
買得果下駒，味芻工細步。如何遠遊子，苦戀漁陽路。

神弦十一曲共十八首

宿阿曲

天皇開紫宮勾陳宿魁柄真符自天下紛沓諸賢聖

道君曲

神君何許中庭謖不風以雨

聖郎曲

迎郎、不來送郎、不去玉女持酒漿青童持鵝履不須美容
姿已識殷勤意

嬌女詩二首

含嬌雲中出艷、桃李顏青雲繚白雲不分雙髻鬟是儂海

上山

摘花過橋上魚從橋下過恰照成雙不獨魚見我郎亦窺人
坐催人嬌姍姍

白石郎曲三首

仙郎嬌艷與玉同色嬌女無郎顏抱白石
玉女雪姿比郎爭白笑枕郎臂如枕白石

白石郎采石遊喬巖相妃偶神魚隨隊流河伯戴魚頭

就姑曲二首

湖就姑曲

湖就赤山頭小姑把菰苗大姑跨鯉遊
赤山在湖尾虹抱兩姑腰缺暈同月朧

青溪小姑曲

白石隔青溪小姑長獨卧彩虹可作梁青溪不可度

姑恩曲二首

繁霜百草短女蘿松下長白石爛為泥姑恩不可忘

綵雲綵霞作帷幙明姑坐當中動搖五明扇拳毛獸尾紛清風

采蓮童曲二首

紫菱出四角荷葉如車輪青童共魚戲不顧采蓮人

仙童紅玉面嬌女無顏容神仙不獨處助懷採芙蓉

明下童曲二首

柘弓黃桑靴流雷相輝霍側身避金几彈殺雲中雀

仙童年八百雪作紅肌膚不顧壽萬歲長顏侍明姑

同生曲

白鶴雙比翼相將飛上天同生不同處寧解作神仙

著齋詩新樂府

淮南彭孫貽拜仁氏著

築城誰

朝築城暮築城築城欲高：易傾冠求尚可官今殺我

一解盡無

粟補無康坊正來索錢縛去抱轂雌告吏且勿筆詰朝驚我離

亂兒二解翁病何苦婦代標土伐我北墉桑表我并拔我芋女垣

之外欲以走馬三解高城長五丈下者三丈餘荷者弛擔輿人止

其車載塊拾魔公何怒為乃扶余介者免曹以袒卧持炙飲肥

酒睥睨上頭居

四解

飛龍篇

戊戌八月十一日雷雨大澍海上黃灣以北至于獨山
羣龍俱起每山俱有龍窟泰山始皇廟側龍起者三山
僧云晨起雲黑如墨須臾火發若雷炬照岩谷大震連
震者三兩雷巨木俱拔龍爪宛然當湖水門俱沒舟從
陸行入場埭街衢間舳舻自入縣治二日水始退吾聞
龍之出也以時非時而出名曰龍孽况數邑懷襄乎昔
陳思有飛龍篇言神仙冲舉之術斯篇也名仍其故聊
以紀異云爾

海為百谷王龍也萬鱗長以氣相吞吐二儀為震蕩馬嘯彈凡
士大澤環其東祖龍以來遵遺廟荒山空精靈悠幽蟄一怒裂